

Sedibeng District Municipality



TSEBISO: TLHOMAMISO YA MOKGATLO WA BOHAHLAUDI WA SEDIKA SA SEDIBENG

Ka hona ho etswa tsebiso ho ya ka karolo 78(3)(a) ya Mmuso wa Lehae: Molao wa Mekgwa ya Masepala, Molao 32 wa 2000 (Local Government: Municipal Systems Act, Act 32 of 2000) (jwalo ka ha o fetotswe) le karolo 84(2)(a) ya Mmuso wa Lehae: Molao wa Tsamaiso ya Ditjhelete tsa Masepala, Molao 56 wa 2003 (Local Government: Municipal Finance Management Act, Act 56 of 2003) (jwalo ka ha o fetotswe) hore:

1. Masepala wa Setereke sa Sedibeng ("SDM") o nkile qeto ya ho hlwedisa kgonahalo ya ho nehela ka tsebeletso ya masepala, ho ba le botsebi ka phahamiso ya bohahlaudi ba lehae bakeng sa sebaka sa SDM, ka sesebediswa sa kantle;
2. SDM o tlameha ho tsebisa setjhaba sa lehae ka sepheo sa hae sa ho hlwedisa kgonahalo e jwalo mme a lekole dikgetho tse fapaneng tsa kabo ya diitsebeletso, a tadima ka hloko dipono tsa setjhaba sa lehae le mefutafuta ya mabaka ao ho lebisitsweng ho ona molaong;
3. SDM a ka etsa qeto ya ho hloma kapa ho ba le seabo setheong sa masepala mme ka hoo o tlameha, hara tse ding,
 - 3.1 Ho phatlalatsa setatemente sa tlhahisoleseding e hlosang merero ya masepala bakeng sa setheo sa masepala mmoho le tekolo eo masepala a tlamehang ho e etsa ho ya ka karolo 84(1) ya MFMA;
 - 3.2 Ho mema setjhaba sa lehae, mokgatlo wa basebetsi le batho ba bang ba nang le thahasello ho romela ho masepala dikananelo kapa dikemelo mabapi le morero.
4. Ditokomane tsohle tse nepaneng di tla nehwa setjhaba sa lehae ho ya ka karolo 21 A ya Molao wa Mekgwa ya Masepala (Municipal Systems Act) ka ho pepesa ditokomane tse jwalo diofising tsa ntlokgolo tsa masepala le tse ka mathoko le dilaaborang, ka ho pepesa ditokomane webosaeteng e molaong ya masepala le ka ho tsebisa setjhaba sa lehae, ho ya ka karolo 21 ya Molao wa Mekgwa ya Masepala (Municipal Systems Act), ka sebaka, ho kenyeletsa le atereke sa webosaete, moo dintlha tse tebileng mabapi le ditokomane di ka fumanwang teng. Kopi ya tsebiso ena hape e tla phatlalatswa Lesedinyaneng la Provence, dikoranteng tsa lehae le ka diphatlalatsio radiong e akareletsang sebaka sa Masepala.
5. Motho ofe kapa ofe ya sa kgoneng ho ngola a ka iteanya le batho ba boletsweng mona katlase ka nako ya dihora tsa mosebetsi bakeng sa thuso ya ho ngololla dikananelo kapa dikemelo tsa motho eo (Karolo 21 (4) ya Molao wa Mekgwa ya Masepala).

- Mekga yohle e nang le thahasello e a mengwa ho fumana tlhahisoleseding e nepaneng le ho romela dikananelo kapa dikemelo ho:

Lefapha la Bohahlaudi
www.sedibeng.gov.za

René Pelser (renep@sedibeng.gov.za) (016) 450 3327

kapa Jacqui Kitching (jacquik@sedibeng.gov.za) (016) 450 3317

Sedibeng District Municipality,

House and Home Building, 1st Floor, Merriman Avenue, Vereeniging

- Matsatsi a 90 bonyane a tla feta pele lekgotla la masepala le kopana ho nahana le/ kapa ho dumella tlhommiso e rerwang ya setheo.

Municipal Manager: Yunus Chamda